



Sakspapir

Sakshandsamar	Arkiv	ArkivsakID
Gjermund Hagesæter		20/456

Saksnr	Utval	Type	Dato
083/20	Formannskapet	PS	13.10.2020

Opera på Fedje 2021 - Søknad om støtte

Vedlegg:

Ny dato for Opera på Fedje: 30. januar 2021

Saksutgreiing:

Bakgrunn

Den 1/9-20 fatta Fedje Formannskap følgjande vedtak:

«Fedje kommune løyver 20 000 kroner til Bergen Nasjonale Opera under føresetnad av at det skisserte programmet vert gjennomført. Inndekking: Teneste 1003 Rådvelde formannskapet, Konto 14700 Overføring/tilskot til private. Utbetaling vert gjort etter avtale med rådmannen.»

Vedtaket var samrøystes vedteke.

Det skisserte programmet skulle etter planen gjennomførast 12. september 2020, men på grunn av utviklinga av korona smitte vart programmet denne datoen avlyst. Denne avlysninga vart gjort av Fedje kommune i forståing med Bergen Nasjonale Opera.

Bergen Nasjonale Opera har no meldt til Fedje kommune at dei no tar sikte på å gjennomføra dette programmet med dei same artistane den 30. januar 2021. Arrangørane har også gitt uttrykk for at dei håper løyvinga på kr 20 000,- kan overførast til arrangementet denne datoen.

Vurdering

Det er svært positivt at Bergen Nasjonale Opera er ivrig på å knyta band til Fedje, og like positivt at publikum har slutta opp. Rådmannen meiner derfor at det er fornuftig å overføra løyvinga til eit tilsvarande arrangement ein seinare dato. Ingen kan sikkert sei i dag om det er mogeleg å gjennomføra eit slik arrangement på Fedje den 30. januar 2021 eller om arrangementet må utsetjast ytterlegare.

På bakgrunn av at dette er eit arrangement som betyr svært mykje for mange på Fedje bør Formannskapet vurdere å både vedta og godkjenna utbetaling av summen uten at ein er heilt trygg på at arrangementet vert gjennomført. Forutsetninga for det siste er då at pengane vert betalt tilbake dersom arrangementet ikkje vert gjennomført.

Folkehelse. Positivt

Miljø: Ikkje relevant



Fedje kommune

Økonomi: Til å leva med

Konklusjon

Rådmannen tilrår at formannskapet løyver 20 000 kroner til Bergen Nasjonale Opera for arrangementet som er planlagt 30. januar 2021. Pengane kan utbetalast straks Fedje Formannskap har gjort vedtak i denne saka, men må betalast tilbake dersom det skisserte programmet ikkje vert gjennomført i løpet av 2021.

Forslag til vedtak:

Fedje kommune løyver kr 20 000,- til Bergen Nasjonale Opera for arrangementet som er planlagt 30. januar 2021. Inndekking: Teneste 1003 Rådvelde formannskapet, Konto 14700 Overføring/tilskot til private. Pengane kan utbetalast straks Fedje Formannskap har gjort vedtak i denne saka, men må betalast tilbake dersom det skisserte programmet ikkje vert gjennomført i løpet av 2021.

Formannskapet - 083/20

F - behandling:

F - vedtak:

Fedje kommune løyver kr 20 000,- til Bergen Nasjonale Opera for arrangementet som er planlagt 30. januar 2021. Inndekking: Teneste 1003 Rådvelde formannskapet, Konto 14700 Overføring/tilskot til private. Pengane kan utbetalast straks Fedje Formannskap har gjort vedtak i denne saka, men må betalast tilbake dersom det skisserte programmet ikkje vert gjennomført i løpet av 2021.

Samrøystes vedteke.